

Duzmalwg Ra Daengngoenz

□ Moz Gwzli / 莫克利

Youq ndaw aen suenva hung gyaunde, miz duz malwg ndeigyaenz ndeu youq. Moix ngoenz gvaq ban-ringz, de cungj daengz gwnz diegrum bingzbwd hung dak ndit, gij ndit raeujrub, de roxninh sangj dangqmaz lo.

Mboujgvaq, gij ndit ciuqrongh geij aen cungdaeuz le, couh ndoj hwnjdaeuz lo. Duzmalwg naemj: Danghnaeuz daengngoenz daj goek daengz byai cungj youq henz ndang gou, yienghneix geijlai ndei ha! Ndigah de gietdingh bae ra daengngoenz.

Duzmalwg biek bouxcawj le, couh hwnj roen lo. De bungqraen duzhanq hau hung, couh cam: “Daengngoenz youq gizdieg lawz youq?” Duzhanq hau hung naemj hix mbouj naemj couh hannaueuz: “Couh youq giz daemxgyaeuz doengh nazhaeux.” Duzmalwg gyo’mbaij duzhanq hau hung, angqvauvau buet bae coh doengh nazhaeux.

Haeuxriengz youq laj ndit angq diuqfoux yetyet. “Maqmuengh ndaej lwnh hawj gou, daengngoenz youq gizdieg lawz youq?” Duzmalwg cam.

Gyoengq haeuxriengz cam: “Mwngz yaek ra daengngoenz guh maz ne?” Duzmalwg naeuz: “Gou siengj hawj daengngoenz ciengx-lwenx mbouj lizhai suenva gou.” “Duzmalwg dwggyaenz, danghnaeuz daengngoenz ciengxlwenx youq ndaw suenva mwngz, dou couh mbouj ndaej baenz naed lubw! Dou hix liz mbouj ndaej daengngoenz ha!” Gyoengq haeuxriengz gikdoengh naeuz.

“Danghnaeuz gou mbouj ndaej dak ndit, gij naengbwn gyaunde unqnem baenz ndang gou, couh yaek bienq ndaej nyauqnyet lo.” Duzmalwg naiqueneuk naeuz.

Seizneix gyoengq haeuxriengz ciengq naeuz: “Daengngoenz, daengngoenz, venj youq gwnz bya sang-

ngaungau.” Duzmalwg baez dingq, sikhaek buet bae coh goengq bya gizgyae.

Duzmalwg baegfofo buet daengz gwnz bya, daeuj daengz laj go faex hung ndeu yietnaiq yaep he.

Gwnz faex miz gyoengq duzrwi iq, duzmalwg naeuz: “Gou yaek ra daengngoenz, sou youq gizneix youq, itdingh roxnaj daengngoenz ba?” Gyoengq duzrwi iq naeuz: “Daengngoenz mbouj youq gizneix youq, de youq ndaw daihhaij gizgyae youq.” “Daihhaij youq gyawz?” Gyoengq duzrwi iq naeuz: “Youq gizdieg gig gyaek gig gyaek, itcig byaij coh baihnaj bae, aiq yaek byaij geijcib ngoenz cij ndaej daengz ne, sinhoj dangqmaz!”

“Gou itdingh aeu ra ndaej daengngoenz.” Duzmalwg gangj sat, couh hwnj roen lo.

Gij roen bae coh daihhaij, youh gyaek youh yungyiengj. Duzmalwg buet ndaej youh naet youh naiq, cung-suenq daeuj daengz daihhaij lo.

Youq henz haij, duzmalwg bungz daengz le hauilai doenghduz iq, hoeng gyoengqde cix mbouj rox daengngoenz youq gyawz youq. Miz duzbaeulwg simndei ndeu, hawj duzmalwg bae camcam duzsahyiz hung, naeuz duzsahyiz hung baenzngoenz youq ndaw daihhaij youz bae youz dauq, rox gij saeh lai dangqmaz, cij miz de cij rox ranz daengngoenz.

Duzmalwg sai le hauilai goeng-rengz, cij ra raen le duzsahyiz hung. “Sahyiz bohlungz, mwngz ndaej lwnh hawj gou, daengngoenz youq gyawz youq lwi?” Duzmalwg roxsoq cam.

Duzsahyiz hung yawj duzmalwg baez da he, danq le gaemz heiq naekgywggwyg naeuz: “Daengngoenz liz digiuz gyaek’gyanggyang, seizneix gyoengqvunz gwnz digiuz, vanzlij mbouj caengz miz byawz bae daengz gizhaenx gvaq ne! Daengngoenz dwg

ndaek hwngzsingh hung caemhcai rox fat rongh fat ndat ndeu, de soengq gij ndit caeuz gij ndat hawj raeuz, sojmiz doenghyiengh gwnz digiuz cij ndaej majhung, lixyouq, ndigah sojmiz doenghyiengh gwnz digiuz, cungj liz mbouj ndaej gij ndit daengngoenz daeuj ciuq. Ndigah, daengngoenz dwg duh daengxcungq sengmingh caeuz sojmiz doenghyiengh gwnz digiuz.” Duzmalwg ndaejnyi le yaepyet sing-sag lo, de roxninh swgheij daiq seihsei lo, couh najnyaenq dangqmaz ngaemgyaeuz roengzdaeuz.

Duzsahyiz hung nai de naeuz: “Raeuz mbouj ndaej ciemq aeu daengngoenz ne! Daengngoenz gig hung gig ndat, couh lumj aen giuzfeiz hung ndeu, aen giuzfeiz hung neix caeuz digiuz, seizseiz cungj cingq baenqlulu, gij ndit mbouj ndaej itcig dingzlouz youq gizdieg lawz. Dangh-

naeuz caenh ciuq gizdieg ndeu, mwngz vanzlij mbouj caengz deng gangq cug?”

Daihgya dingq le cungj sing gok riuhaha. Duzmalwg hix mbouj ndei eiqsei riu lo. Duzsahyiz gaenlaeng youh naeuz: “Yaep dem, gou couh baij roeghaijyen soengq mwngz baema ranz!”

Gvaq le yaep ndeu, gyoengq roeghaijyen mbin daeuj lo, gyoengqde doz duzmalwg youq gwnz baihlaeng, mbin coh mbanjranz de. Gyoengqde mbin gvaq goengqbya caeuz doengh-naz seiz, duzmalwg coh haeuxriengz caeuz duzrwi angq hemq naeuz: “Gyoengq baengzyoux dwggyaenz, ginggvaq mbatneix hojnanz bae cimhra, gou rox lo, daengngoenz dwg duh raeuz daihgya! Hawj raeuz caez vih gij ndit caeuz gij ndat daengngoenz angqvauvau ba!”



Gyoengq dahsau doxyaeng baenzlawz siuqva gyaunde.

Dozswh

Caeklaiq aen mbanj iq neix vunz mbouj lai, caemhcai seizneix dingzlai vunzmbanj cungj hwnj bya haeuj naz bae guhhong lo, ndaw mbanj cij lw geij lwngyez ndaej haj roek bi caeuz geij yahlaux daemh dwngx. Lungz Byauh mbeihung gvaengz gvaq henz bya, youh dauq daengz bakdou ranz dahsau haenx moq, hoeng lij dwg saetmuengh daj naj dou byaij gvaqbae.

De caiq hix mbouj miz mbei gvaeh roengzbae lo, cijndei dauqma lo.

Gwnz roen dauqranz, daengngoenz dingj gyaek dak ndaej de gyaek ngunh sim vueng, de yied siengj yied simnyap, yied siengj yied ndatheiq, ndawsim mieng caiq hix mbouj daeuj yawj de lo, byaij le geij leix roen daeuj guhmaz? Vih boux dahsau mbouj rox coh? Gawq mbouj dwg caencik youh mbouj dwg

•Sawcuenhraz Lwngyez•

Gij Golwngyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

baengzyoux, dwg mbouj dwg baenzbag lo?

Vahmieng de dingj ndaej geij ngoenz dahraix, daengz ngoenz daihhaj, de lij caengz lumz ndaej dahsau haenx, ndawsim hoengq-vangvang, gwq naemj hwnj song lwgda hung haenx, faj naj lengj haenx, diuz mengq raez haenx caeuz aen bak ak caemhcai naengbak iqet haenx!

Aen mbanj gyaek’gyawj caeuz henz doenghnaz, hix miz mbouj noix

dahsau ndaej cibroek caet bi, Lungz Byauh siengj daj doenghgi dahsau ndawde ra boux daeuj lawh gij ngaenz ndawsim. Hoeng boux ndeu hix mbouj baenz, yied cimhra, yied doxbeij, dauqfanj yied roxninh boux dahsau haenx gyaetnyaed ndeigyaenz, de saedcaih mbouj miz banhfap daj ndawsim uet de bae, yied uet yied cingh, yied daeuj yied niemh de.

Cij miz aen banhfap ndaej cawz gij siengjniemh, couhdw youh daengz

aen mbanjranz de bae, cijaeu ndaej caiq yawj de baez he couh hozhail lo, couhsuenq cij ndaej yawjyawj gij ngaenz de hix roxninh angqfwngfwng, mbouj gamj maqmuengh ndaej caiq caeuz de gangj vah lo.

Hoeng, aen maqmuengh iqet neix de hix mbouj miz banhfap guh ndaej daengz, gonqlaeng youh bae le haj roek baez, lij mbouj ndaej raen de baez he.

(caengz sat)